

Recompensa a bira 1 miyon Dollar pa trece Natalee bek na bida

ORANJESTAD (AAN): Ayera tardi un biaha mas Mama di Natalee Holloway, esta Beth Twitty a duna un conferencia di prensa chikito, unda cu el a splica cu e recompensa pa trece Natalee bek bibo, a bira 1 miyon dollar.

Despues cu algun tempo pasa e suma a crece di 20, pa 50 y despues pa 200 mil, awor segun Beth Twitty, un grupo di amigo y famia a bin dilanti, kendenan awor a percura pa e recompensa bira 1.000.000 dollar.

El a splica cu cualkier informacion ta yuda y cu esun cu bin cu informacion lo keda anonimo.

Padraastro di Natalee, Jug Twitty a bisa cu mirando e tantisimo rumor cu tin cu ta bisa cu Natalee quizas ta na Corsow, Venezuela of un ctro caminda, e famia ta spera cu un recompensa halto lo por yuda un persona bin dilanti cu informacion importante.

Prensa local a puntra abogado di famia Twitty, esta de Sousa riba e articulo cu a sali den DIARIO, cu ta bisa cu tin un testigo cu a wak e sospechosonan hunto riba e marduga cu Natalee a desaparece, riba un horario cu nan a declara di no tabata hunto.

Abogado de Sousa a bisa cu ainda e no a tuma contacto cu polis of Ministerio Publico riba di e asunto aki, sinembargo e lo bay hasie.

El a splica cu si e haya

informacion cu e ta permiti di divulga, e lo haci esaki y si e no por, e lo no haci esaki.

DIARIO a puntra de Sousa kico e y famia Twitty ta pensa di e hecho cu e abogadonan di e rumannan Kalpoe y van der Sloot, a entama un kortgeding, pa FBI no haya documentonan relaciona cu e caso.

E abogado te na e momentonan ey no tabata sigur cu e peticion berdaderamente a wordo haci caba, sinembargo el a bisa cu e famia ta hopi contento cu Gobierno a pidi pa FBI haya mas envolvimento den e caso aki.

A puntra e abogado tambe riba e tapenan di e interrogacionnan, cu lo bay

wordo manda pa Merca.

E abogado a splica cu e tapenan aki ta bay wordo manda pa FBI na Merca, unda cu nan lo wordo analisa, pa wordo usa como un "tool" di investigacion.

Algun tempo pasa un compania a bin Aruba pa splica e tecnica di "Voice Layer Analysis", cu ta un tecnica cu por determina si un persona ta gaña, usando cierto aspectonan di su voz. Segun de Sousa ningun copia di tape of cualkier prueba, lo wordo laga atras na Merca. Prensa a puntra kico ta e diferencia entre e cooperacion cu FBI di algun tempo pasa y awor cu Gobierno a manda e carta pa




TELEFONNAN DI DIARIO
582-6747- FAX 582-8551


Ministerio Publico. De Sousa a bisa cu na prome instancia FBI tabata yuda cu asuntonan tecnico, tactico y strategico, pero awor FBI lo

haya tape y otro materialnan, pa nan hiba esakinan pa na Cuartel na Merca, pa wordo analisa pa yuda ainda mas cu e caso.

ESAKI TA E ORDO!!



Las Americas
(Near Burger King)
Playa (Caya Grandi)
Tel: 582-1576



Maletin Silver

Awor Afl. 35,=